

玄都律文

虛无善惡律

而士

一者遺形忘體怕然若死謂之虛二者損心棄意廢偽去欲謂之无三者專精積神不為物集謂之清四者及神服氣安而不動謂之靜五者深居宴處功名不顯謂之微六者去妻離子獨與道遊謂之寡七者呼吸沖和滑澤細微謂之柔八者緩形縱體以奉百事謂之弱九者情惡專榮安貧樂辱謂之卑十者避羸逃滿衣食麤疎謂之損十一者爭作陰陽應變却邪謂之時十二者不飢不渴不寒不暑不喜不怒不哀不樂不達不疾謂之和十三者愛親愛聽愛言愛慮不費精神和光順世謂之蓄

律曰凡此十三者混泯為虛无行道守真者敬奉師法順天教令窮極无為之道虛无清靜微寡柔弱卑損時和畜夫為道者氣鍊形易民和國寧家吉災不起壽命延家國昌達律者為天所刑

律曰人不念作善但行惡事父母不孝事師

主不義事者不忠為善者自天祐之為惡者天必殃之人有一善心定體安人有十善氣力强壯人有二十善身無疾病人有三十善所求者得人有四十善昌熾富貴人有五十善子孫富盛人有六十善遺厄得脫人有七十善神明護之八有八十善得地之利人有九十善專貴顯榮人有百善天德降之珍寶人有二百善後世揚名天下人有三百善後世大富人有四百善後世出富貴人人有五五百善後世延壽人有六百善後世出忠孝人有七百善後世智慧人有八百善後世道德人有九百善後世出賢聖人人有千善後世出神仙真人

右人有為善者得福自天祐之人有一惡心勞體煩人有十惡血氣虛羸人有二十惡身多疾病人有三十惡所求不諧人有四十惡輒軒表耗人有五十惡絕无子孫人有六十惡數得非禍人有七十惡賊鬼害之人有八十惡水火害之人有九十惡貧賤困挫人有百惡天地殘罰其形人有百五十惡寇賊害

之人有二百惡後世无姓族人有三百惡後世受貧困人有四百惡後世沒為奴婢

戒頌律

第一勿詐鬼神輕闕天道第二勿以偽為真以真為偽第三勿以善為惡以惡為善第四勿以曲為直以直為曲第五勿以濁為清以清為濁第六勿以邪為正以正為邪第七勿以醜為好以好為醜第八勿以虛為實以實為虛第九勿以逆為順以順為逆第十勿以非為是以是為非第十一勿以親為疎以疎為親第十二勿以東為西以西為東

律曰十三條名曰妖惑之人耳身受其害捨命不得全生災殃流及五世子孫犯者害命奪算犯主吏坐誹依罪輕重論也

律曰常敬從師教令一如師法不得輕冒詐偽欺闕違律罰算四百日主吏坐誹

律曰常以平旦日中日入後存想五方五氣東方青氣化為青龍西方白氣化為白虎南方赤氣化為朱雀北方黑氣化為玄武中央黃氣化為已身則調和五方音而頌之違律

者罰筭三百日主吏坐誹

律曰平旦頌曰微妙而博天子元氣之精尤

巨麗而可樂子魂神之翺翔藏我骨髓中子  
廟然虛而張潔白如明月子通洞乎十方芝  
草何英英子不憂无食糧呼吸新與故子因

以通神明

律曰暮頌曰曠曠怖怖與神无懼被服精華

飲食古式招搖為馬玉衡為輻上下无限出  
入无時百病除愈神氣獨持司命著籍玉簡  
丹書編以金縷纏以素絲千億巨萬无所復

疑太一祐我神明扶持清靜絕念向王相地  
頌之佩籙吏與天地作約以身修道樂法者  
皆頌之不如法罰筭五年主吏坐誹

律曰戊辰戌戌日不得頌正心守一念道眼

无妄視口无妄言心无妄念耳无妄聽違律

奪筭五十安神定志尊道德敬師長不知律

輕慢道德不敬師友為家則禍災為國則亂

亡罰筭二紀主吏誹千日謂道德之人師朋

律曰寬和忠孝恭敬朝修淡泊慈仁畜孝為

信恩義所行不如律罰筭七紀不得因鬼稱

神託名官號詐師誹道誣祀百鬼反真亂正  
自作法度不如師法違律者罪及害身主吏  
罰五年也

律曰不得食日暮之食不得食祭神之食違

律罰筭千日也謂日之暮亦不須食也違律

百藥律

律曰夫德以除災藥以愈病不知律者為國

則无延祚之期為家則无子孫為身則刑此  
虛亂正氣不居年命為衰故非道而治非法  
而言亡筭奪紀司過言罪司命削籍

律曰德為腎也行為藥也人不修其德行而

廣求賢藥藏罪而多求章表上而所行不改  
其罪更凶

律曰柔弱去欲寬和恭遜藥之道德府違律

者罰筭五年主吏坐之奪天敬地為一藥飲

奉三光為一藥恬淡無欲為一藥仁恕謙讓

為一藥好生惡殺為一藥不多聚財為一藥

不犯禁忌為一藥廉潔貞信為一藥不燒山

林為一藥空車助載為一藥志弱性柔為一  
藥不自尊大為一藥行寬心和為一藥不好

陰私為一藥動靜有禮為一藥陰德樹功為

一藥起居有節為一藥不論訴人為一藥近

德遠色為一藥災病不干為一藥施不望報

為一藥為人慕願為一藥推恩義讓為一藥

慈愍憐愛為一藥好稱譽人為一藥心靜意

定為一藥為人頌福為一藥祛邪弭正為一

藥不干豫人為一藥教化愚暗為一藥戒勅

重蒙為一藥解散思慮為一藥因貴為惠為

一藥內修孝悌為一藥為人起利為一藥敏

惡揚善為一藥以力助人為一藥好飲食賜

人為一藥憐貧傷危為一藥救日月蝕為一

藥言語謙遜為一藥恬淡寬舒為一藥不負

宿債為一藥思神念道為一藥質俚端正為

一藥立功不倦為一藥不爭是非為一藥除

情去欲為一藥受辱不怨為一藥不取非財

為一藥推好取醜為一藥雖災自受為一藥

稱揚賢良為一藥好相引用為一藥不自彰

顯為一藥救禍濟難為一藥不自伐善為一

藥諫正邪亂為一藥勞苦不恨為一藥開導

迷誤為一藥覆蔽人過為一藥因富布施為

一藥進勝己者為一藥扶接老弱為一藥惠  
 與窮乏為一藥普不罵詈為一藥為人嚴淨  
 為一藥智德不退為一藥位高接士為一藥  
 好言善語為一藥恭敬卑微為一藥生無懈  
 怠為一藥至誠篤信為一藥不罵畜生為一  
 藥推直引曲為一藥心平竟等為一藥進退  
 可否為一藥不念舊惡為一藥推善掩惡為  
 一藥聽諫受化為一藥推多取少為一藥忿  
 怒自制為一藥見賢自省為一藥閉門恭肅  
 為一藥推功救苦為一藥尊奉耆老為一藥  
 好人有功為一藥清廉貞分為一藥聽經實  
 行為一藥助人執力為一藥富有慙無為一  
 藥遠嫌避疑為一藥安貧不怨為一藥尊奉  
 聖文為一藥好成功德為一藥宣揚聖化為  
 一藥得失自觀為一藥勸人學道為一藥願  
 禮拜三寶為一藥以言為善為一藥  
 律曰夫人有疾病者坐於過惡陰掩不見故  
 應以病因緣非飲食風寒溫氣而起也由其  
 人犯法違戒神魂拘躓不在形質肌疎藏虛  
 精氣不守敢為利焉雖居榮服不敢為非度

形而為衣量腹而為食雖富且貴不敢恣慾  
 雖貧自賤不犯戒律是故自然外无殘暴內  
 无疾病也  
 百病律  
 律曰救災除難不如防之易治病療疾不如  
 修之吉若事父母師長以孝道事君以忠敬  
 朋友以篤信違律者罰并一紀主吏坐其病  
 到身  
 律曰有君不能保社稷有臣不能全壽命聖  
 人求福於未兆絕禍於未有蓋災生於稍稍  
 病起於細微小善不積大福不成為惡者雖  
 欲以章晚顧服符錄以自救不肯改更心  
 腹必為罪不除亦罰算五病則入身  
 律曰常思病來之罪所犯過惡司過神解過  
 神司過君解過君當解除之一切罪過世間  
 所犯諸惡則病消除  
 喜怒無常是一病不好者老是一病好色無  
 德是一病舛戾自用是一病憎之欲死是一  
 病從貪弊惡是一病擅變自可是一病鬼魅  
 諛諂是一病快禍遂非是一病兩舌无信是

一病乘權縱橫是一病罵詈風雨是一病侮  
 易孤寡是一病教人墮胎是一病威勢逼勒  
 是一病孔內窺人是一病借不念還是一病  
 皆向異端是一病曲人自直是一病調戲異  
 同是一病惡人自喜是一病探巢破卵是一  
 病惡人自賢是一病水火敗人是一病以功  
 自與是一病教人去婦是一病以勞自怨是  
 一病合禍睽愛是一病喜說人過是一病唱禍  
 導誹是一病以貴輕人是一病見物欲得是  
 一病以賤恥貴是一病亡義取利是一病以  
 德自顯是一病專心係受是一病以私亂公  
 是一病敗人自舉是一病陰惡自害是一病  
 輕口喜語是一病論評誹議是一病非人自  
 是是一病瑕人自誓是一病以力勝人是一  
 病无施真人是一病語欲勝人是一病怒自  
 惡評是一病貨不念賞是一病蠱道厭人是  
 一病以真傷人是一病憎人勝已是一病怒  
 喜自伐是一病心不平等是一病以賢自真  
 是一病不受諫諍是一病謗有功人是一病  
 煩符輕詆是一病以富驕人是一病好自作

正是一病以貧如富是一病等無禮是一病  
 病饒人求婦是一病輕易老小是一病惡能  
 醜對是一病欺人成功是一病喜禁善人是  
 一病樂善人路是一病惡言不改是一病好  
 掩戲人是一病危人自安是一病激厲誇悻  
 是一病多憎少愛是一病推負著人是一病  
 嗜得懷詐是一病持人長短是一病乘酒險  
 橫是一病與人追悔是一病千務人事是一  
 病施人望報是一病惡生好殺是一病罵詈  
 虫畜是一病負債盜竊是一病皆毀高大是  
 一病喜短唐突是一病毒藥醜餌是一病故  
 患誤人是一病言語不忠是一病欲談人短  
 是一病追念舊惡是一病刀胎剖形是一病  
 內疎外親是一病笑盲聾啞是一病談愚癡  
 人是一病教人撻撻是一病撻撻無理是一  
 病教人作惡是一病多疑少信是一病笑顏狂  
 是一病醜言惡語是一病強奪人物是一病  
 律曰人能除此百病無災無患長生度世子  
 孫蒙祚矣

命刑籍災死名滅則其身已言人犯罪當以  
法不欺行人是加罪非原非違  
法事則一切過得度長生也  
 律曰制道士女官道民錄生百姓所奉屬師  
 者父亡子繼兄沒弟紹非嫡不得繼或見息小  
弱當大人攝治見長則立治依舊若無人承領  
則尋根本上屬不得他人屬違律罰一紀  
 律曰道士女官錄生道民本師亡沒之後子  
 孫不令其堪承襲或遺亂失本屬師推尋原  
 末不相知識皆聽上屬事師皆當遵奉法教  
 此性命之主也不敬事師冒慢神明治國則  
 亂治家則亡殃考延及後世也  
 律曰制男官女官錄生道民天租米是天之  
 重寶命籍之大信不可輕脫禍福所因皆由  
 此也七月七日為上功八月為中功九月為  
 下功十月五日輪者無功無過皆輸送本治  
 違法則命籍不上吏守人上延七祖下流後  
 代家長罰算二百日戶口皆各罰二紀  
 律曰制男官女官主者領戶治位皆有科次  
 品號若是甲治受所領民租米百斛七十斛

納治中用折三十斛傳天師治若二百斛皆  
 當諸本治施設若去本治三百里以外聽於  
 家設不如法罰算三紀  
 律曰生男上廚生女中廚增口益財求官保護  
 延口歲中無他上廚之例求度厄難遠行求遷  
 官廚中之例求治疾病消縣官口舌牢獄繫  
 閉下廚之例故略條品法律科格如此違律  
 罰算一紀  
 律曰男官女官主者錄生年初額口數竟歲  
 無十人設廚二十人若三十口已上設二十  
 四人廚若百千萬口不過二十四人廚一口  
 設一人廚至二十四人止也違律罰算一紀  
 律曰男官女官主者錄生條曉額品格十人  
 以下曉續二十尺二十人已上曉續四十尺  
 蒙惠則輸送不如法則罰算一紀  
 律曰男官女官主者三會之日所以供廚使  
 布散租米而比者眾官令使百姓以供會此  
 皆不合科典違律罰算一紀  
 律曰生男兒設廚食十人中章紙百張筆一  
 雙墨一丸書刀一口生女子廚食五人席一

領養箕一杖掃帚一杖月滿則輸不如律法  
父母奪箕二紀兒子奪箕天師治不得長取  
亦得者結鬼氣不去及還中傷不得隱匿他  
用以營家私此罪不輕減身

律曰男官女官主者尋奉道之民各有根本  
而此者衆官互囑受他戶寔由主者之過不  
能以科法化喻輒便領受愚民無知謂可輕  
爾致使去就任意不遵舊典主者受奪略之  
罪民受叛違之愆師則以狀言奏天曹必至  
違律者各罰筭一紀

律曰男官女官錄生道民至於解廚家主齋  
戒宿請安言刺被請之身皆嚴整勿履穢汗  
悉沐浴換易衣裙情楊袴褶不得著裙履露  
衣輕冒至真所以爾者此律是天官之威神  
仙臨降非小故耶皆正心存想不得亂語說  
派俗不意之事悉依法錄大小為次第若所  
受同以前後為次若所受法錄治職同日當  
以年長為次若受外官次雖大悉不得加上  
內治次若不用別為次第也違律罰筭一紀  
律曰男官女官主者上廚人酒五升錢三百

中廚人酒四升錢二百五十文下廚人酒三  
升錢一百文某甲治受領民租百斛折八十  
斛入甲乙治以二十斛傳天師治又某甲治  
受所領民租米百斛折八十斛入丙丁治以  
二十斛傳天師治及公號器物一如上治計

丈尺以傳天下萬民米一斛具使令二斗達  
天師治其米不至天師主者受割截之罪唯  
紙筆墨給治用不煩傳上明各依承違律罰  
筭三紀

律曰男官女官主者百姓有疾病危急歸告  
之者當匍匐救之不得以私事託說妄說鴟巢  
求人意氣受取皆計減為罪違律罰筭一紀  
律曰男官女官主者道民年初保家口或病  
痛百事至心立願皆質其辭誓主者依承狀  
申述蒙恩限滿則輸即為言功報勞不得違  
言負約此罪不輕若不蒙恩福便為言除不  
可橫受其歲中雖有死亡減口租不在跪側  
依常輸上宜各遵奉違律者罰筭一紀

律曰男官女官主者當詳擇救民不得苟且  
塵穢清虛化民皆檢其墨辭質却情狀令家

內大小和同然後宣化依科救之違律者奪  
筭二年

律曰道士女官主者誅罰邪偽清寧四海受  
民以禮養育群生三會吉日質對天官教化  
愚俗布散功德使人鬼相應而此者衆官烹  
殺畜生以供廚會不合冥法殺生求生去生  
遠矣犯者殃及後世主者罰筭一紀

律曰男官女官主者錄生安靖於天德者甲  
乙丙丁地治有品第民家靖廣八尺長一丈  
中治廣一丈二尺長一丈四尺大治廣一丈  
六尺長一丈八尺面戶向東鑑按中央違治  
則罰筭一紀按如盟威律論法也

律曰男官女官主者受法錄治職之號譬如  
王位至於選補皆由天臺而頃者衆官輒便  
私相拜署或所受治小而加人大治或以身  
所佩法以授人此皆不合冥典若堪任者當  
表言上違律者各罰筭二紀

律曰男官女官主者制陽平治得署四正遊  
治鹿堂治鶴鳴治得署三正遊治自此以下  
一歸天師治凡受法當隨功輕重依品受任

不得苟且五求大治違律者罰筭二紀

律曰道士女官主者籙生朔望皆朝拜雞鳴皆起嚴敬整容冠帶朝拜衣憤袴褶入治依位號執笏朝拜記便簡閱如舊法出朝於師皆五拜問訊起居安否而退其戊辰戊戌不朝違律罰筭一紀

朝違律罰筭一紀

律曰男官女官主者籙生巳午忘失朝退位一等奪筭三年不朝退位三等奪筭七年

於師皆有考坐謂故不朝輕問天地也

律曰男官女官籙生道民家有穢行不過晦朔不得入治哭亦三日穢三年之喪未滿百日不得入治拜禮表章書違律者考坐罰筭一紀

律曰奉道之民誓心至死歸道不得兩心猶豫違背道德悔道還俗此罪不輕禍至滅門亦不得淫祀邪鬼若有犯者牒狀歸首大治寧心悔過得免殃咎而知者故違罰筭一紀

律曰道士女官主者受道之日內以修身外以讓災不得妄同中傷百姓及漁獵萬端或更相評論妬忌勝已此是瞽盲所行非道法真正之體犯者罪考八十主者科之

如謂狀罰之人

也贖五四兩准罪

律曰道士女官籙生身年十八已上得受大法若外法自受百五十將軍籙已上堪著黃色法服衣冠內法自然昇玄真文已上上清大洞已下須用紫色法服衣褐笏履袴褶其

笏但十戒已上則執之若朝朝禮謁集及章表而須法具衣冠憤暢笏履違律罰王八兩

考及三世自身水火官事所考如玉法

律曰道士女官祭酒籙生身任法識若死要在靖宇觀治不得在俗人舍宅

考掠作河三年徒役

律曰陽平鹿堂鶴鳴諸治男官女官主者籙生等教寫科制如右竊尋此項以來衆官百姓道民或有無師而自立法或去本治遠

布於四野私相號授領民化戶威福自由或有去治不遠而致隔絕至於租民贖物適廢積年私自沒入已不傳奏上自作一法無所

稟承背違冥科前後非一其事萬端致使正法不明真偽無別氣候錯亂妖惡滋生罹災被考豈不痛哉斯皆主者之覺不能讚揚聖化令愚人惶怖謂輕惑有心而不見科律儀令事件列各標所用威使聞知宣揚布化賞善罰惡相與揭厲精加檢察使功勤必獲其德犯違之者地官牒名連引上依法檢治若不糾問主者與同罪明須告示各遵承一如玄都科令律也

章表律

律曰輓軻衰耗數得飛禍絕無子孫疾病瘵厄所求不諧牢獄閉繫血氣虛羸貧賤困極殘年天死癡狂聾僻或出妖臣逆子破家癩厲刑人市死盪失骸骨水火刀兵寇賊所害田蠶耗漏衣食不充任官不達皆由罪惡司過司考師家治中將吏所害考罪先世殃咎所逮也皆參詞條某州縣鄉里年紀男女大小戶口居止所屬師主實效審古旨列事狀詣天師下治官祭酒精進主領民戶者奏詞皆依春秋夏頓首俯仰自搏頰滿數則止

謂未初拜年貢上天者  
解送除罪像災降福

律曰於洛陽靖天師隨神仙西遷蜀郡赤城人濁不清世澤不平於是攀天柱撼天門新出正一盟威之道欲更清明天人誅罪不義養育群生五二十四治署男職女職二十四

職乘玄元之施開化後代皆悔過及得列為真人一月聽三貢上章表自改悔罪過斷絕復連消除災害疾病危急一月聽三上章也

律曰入治上章皆自嚴裝衣冠正法服手坐存五方生氣及身中功曹吏兵按分位恭如相臨對侍左右前後也謂入治來章之時地念定意悲憫想也

律曰入治上章避戊辰戌戌不上章穢汚法不過晦朔亦不得上章天下百姓不得觸穢詣治見師主者違律罰算減年返獲其罪也

律律皆為司過  
司考所勿其罪

律曰入治上章皆正身趨步科次左右肅恭致不得男女雜錯望視謬語前却遲速主者職吏降一階不降罰五三兩又罰算二紀律曰道士不得妄為惡逆男女上章輕慢姪

盜取凶逆無道不孝父母師主不義君長姑姨不敬奉道德輕慢鬼神賊害官姦毀辱賢善讒媚誹謗背父母叛師主不順不善皆為惡逆男女也此皆不得為上章不滿一年被奪壽五年死付河伯橋作又罰五八兩退位二等也

律曰章詞質而不文拙而不巧朴而不華實而不偽直而不曲辯而不煩弱而不穢清而不濁直而節簡要而翰誠則感於天地動於鬼神御上天曹報應立至也違律司非執法治官吏坐

律曰章消疾病向鬼神消災向地戶求長生向天門求富貴財利向地戶消口舌呪詛向人門厭虎向冥厭蛇向已與天罡并力大吉也

律曰上章求財富貴用天倉日戊子是末爵位用天府日上不用自刑日午酉亥辰皆自刑寅刑已戌刑未子刑卯申刑寅卯刑子已刑申違律被罰考病五十日也律曰請求章奏解先亡冥考狹罪及身中所

犯坐疾病災禍言凶由本治若去師遠違聽請同法自非宗祖師又非甲祭酒領戶治官之者上章不達天曹甲乙丙丁以下皆為表上對天領戶三百以上為治疾官三戶以上為職署皆為王者也

律曰修福延年消災害治厭百病皆東向上章解墓除責關心聰明過災厄皆向西上章也律曰災難厄急從死中求生消惡伏邪皆北向上章也

律曰修身養性溫潤富貴萬願皆南向上章律曰上章皆質立馳信以驗心志與吏兵要誓不得違律也律曰天為除之應死者天為滅罪如此者衆身有益勿效他人後世子孫皆老人福是為

耳諸職治道士女官及散民新民皆不得與狼戾祭祀家飲食狼戾之家更相請守飲酒食肉男女合會小大語笑從心快意吾之所禁勿為口腹所誤令人故氣來往不絕以致災禍宜當節度身中更兵皆受不消之名豫

為作備若見中傷勿得答怨也

律曰諸職道士女官皆不得使民數行問解淨汙多有忌諱緣真作偽私行意氣狐疑為意不正終不得道恩邪偽自至徒自苦耳又於身無益科律所禁可得怨天也

律曰道士女官皆不得使民私祠祀鬼神殺猪羊妖言惑語此偽事皆道之所禁若有此色皆須斷除違律者犯錄上禁罰第一紀也

玄都律文

太上靈寶朝天謝罪大懺卷之一 露一

爾時元始上帝太上道君太上老君在大羅天上玉清聖境大福天中坐七寶紫微之臺大會群仙講演真一妙法施大威力布大祥光普照無極世界善惡因緣開示一切眾生

令知宿命罪福過去未來三世報應之事是時請天大聖燒香朝拜列班侍衛仰聽法音元始上帝放九色神光徹照諸天下及萬國鬼神變化洞徹無闕或在目前猶如指掌左右群仙乘此威光得見諸天善惡因緣內外

備盡見有大聖高具項負圓光身相嚴妙或駕景乘空騰龍馭鶴飛雲步虛鸞與鳳蓋遊遊八極逍遙無為神通自在或見天仙地仙金童玉女無鞅數眾福德快樂或見諸仙持

權執節燒香散華分身變化或見飛天神王善惡童子巡遊人間條錄善惡以奏諸天或見日月宮殿星宿寶宮山河海嶽靈官考校人民善惡功過毫分不失時有十華真人與諸天大聖燒香朝拜上奏至尊今日得詣瓊軒觀聽妙會忝侍左右願施威力建大法橋

接引群倫咸使得道永出塵迷是時元始上帝告左右侍真曰卿等群仙隨吾祥光下觀萬國大地山河兆民善惡報應崇建功德廣種福田者一一皆受諸天人福見有帝王后妃將相大臣正殿燒香廣陳法會修奉齋醮轉經禮懺為一切人天禳災祈福見有帝王后妃將相大臣卑身下物廣持百寶供養諸天見有帝王后妃將相大臣建立宮觀塑造聖像轉經禮拜為一切人天廣求福利見有帝王后妃將相大臣散施財寶救濟貧窮

老病困苦見有帝王后妃將相大臣常行慈悲不殺不害不奢不費常行儉約見有道士賢者修建靈觀星壇寫經造像見有道士賢者斷穀休糧清淨身心誦習經典見有道士賢者放生續命濟惠貧乏見有道士賢者親勤星漢以求輕舉見有道士賢者忠孝君親慈愛知友見有帝王國主文武大臣遊獵殺害傷殘百姓見有帝王國主文武大臣酷虐嚴刑人民困弊見有帝王國主文武大臣貪淫貪慾恣縱六情宴樂無度見有帝王國主